



聖宋名賢五百家播芳大全文粹卷八十五

上啟

通判與交代啟

晁輔之

蒙恩外補承之後塵惟慕義之素勤獲趨風而自慶
恭以某官夙懷賢業藹有令名行已不撓而衆推
居官所至而民願尚掩罷幹屈佐藩維某質薄自怡
學迂寡與陪英髦于中秘非所宜堪奉甘旨于宴閑
蓋其私便企青雲而雖奮繼白雪以良難行造門墻

粗窺矩範欣愉幸會悃幅奚殫

通判與交代啓

李成季

濫趨末官獲佐近州吏牒紛迷詎免曠官之黜塵蹤
疲曳屨懷解綬之歸豈私幸之倘來承更書而俯罷
未見君子寔勞我心愧禮好之方修忽郵書而俯及
矍然拜賜灑若對顏恭惟 某官器度淵敏沉性姿
疎敏仁恕為政有古吏師之風問譽在躬為時士人
之望尚資閔決尚鬱遠圖將聞濟水之名復起海沂

之詠退慙淺薄輒預交承久雖學步而未識國能素
不善歌而敢期和者履難加首願踐質以奚堪瑜不
匿瑕幸前非之將掩瞻風甚邇晤德猶賒
教授與交代啓

何道夫

倚席不講妨賢路以深慙就車肯來為文盟而一出
士知歸嚮道有宗師恭惟 某官真學心傳美材天
稟元元本本不獨求之于語言章句之餘井井嚴嚴
盖常履之于造次起居之際聽升沉于造付邂逅于

功名雁字聯翩豈宜獨後鶴書號召行遂起遷曾是
冷宮定非久計其承賢惟舊託契尤深荒陸氏莊寔
忝職哲兄之門下讀阿房賦嘗誇令子于卷中遠茲
龜篆之交永矣雲仍之好自聞除日即欲引歸予日
月之少差于簡書而弗應致煩家食坐閱歲時竟蒙
貧夫忘亡恥之汙名愈昭君子難進之高詎何以見
魯衛之士但切兢惶奉而游歆向之間未終斥責

教授與交代啟

陳彥昭

傳洛中之價久已服膺傾塵尾之設未遑引袂比緣
補吏偶被誤恩輒當鄉校之官將承賢者之緒幸隨
願獲喜與愧并恭惟某官國器粹溫天材超拔應
休期而筮仕拔上等以飛榮論議高深下斬雄而不
道文章古雅揖游夏以相馳方君子之育材俾諸儒
之駕稅橫經師席流化藩州洋乎盈耳之絃滿矣及
門之履英豪輩出道德風移隱几絳帷已格泮宮之
化懷鉛紫禁行追金馬之遊其猥以淺聞獲依成範

奔蜂之祝化藿蠋何以能黃狗之皮補狐裘而終累
行須體踐尚免曠尤瞻晤有期歡躍無已

教授與交代啟

沈唐叟

承之鱸堂久愧匏瓜之繫渴延騎從一新木鐸之音
行聞旌旆之戒嚴喜與衣冠而相賀恭惟某官斗
南獨步冀北絕羣學有淵源洞聖賢之秘奧文無繩
削兼天地之純全早收功翰墨之場即抗志功名之
會三年枳棘已負鸞栖萬里扶搖式觀鵬運暫擬蓬

山之逸駕來為芹泮之主盟鄭廣文道出羲皇何憂
獨冷韓退之上規姚姒豈久投閑第虞坐席之未溫
旋被追鋒之迅召青衫絳帳難留驥乘之蹤紫誥白
麻亟試鸞坡之手某濫司教導誤忝交承業也弗精
固未免諸生之笑書焉懶讀豈能逃弟子之嘲退聽
慙糠粃之在前大懼範模之不稱褰裳欲去掣肘未
能春服既成先布及瓜之請秋陽已暮願觀行李之
來

推官與交代啓

趙承之

接辭客路偶陪傾蓋之歡隨牒遐方忽冒續貂之幸
退循綿力仰愧更書伏惟 其官德宇粹溫風猷寧
遠率躬于禮允惟戒畹之英廟上以忠獨偉公車之
荐奏俯從于簿領一未展于緒餘望高適以旌麾不
幾乎淺處雀羣于幕府固匪其宜行披霧隱之文亟
奮風搏之翼其迫于謀食誤此叨恩常恨暮來失桃
李成蹊之後敢為早計有管蒯代匱之榮雖踵武之

難能豈求交之易遇汗顏自困預慙斷鼻之神前事
可師徒覲伐柯之則

交代撫翰學士張全真真

張全真真

仰高浸久竊懷慕用之私從宦于今將踵仁賢之後
以茲幸會寔慰生平伏惟 交代撫翰學士質性高
明問學通博持其能事願無往而不宜凡所居官必
有政之可稽紀尚淹幕府而仕諸侯頗聞當路之見
知固已上章而交荐會膺除召亟即顯揚某自視非

才何堪任職徃思夙夜勉遵可守之規曷有歲年能
盡無窮之好敢陳書牘少布腹心若其精微未易叙

述

幹官與交代啓

趙德莊

河梁語別莫追談笑之餘海角宦遊乃出步趨之後
雖崎嶇無足道者然會合殆非偶然恭惟 交代某
官天與宏才家傳真學幕中之辨想岑范之有聲天
下之平信于張之得助比借東都之重暫陪駟馬之

行吞舟之魚陰有資于漏網函牛之鼎行見取于和
美其蚤並官曹復聯姻契遠捧更書之寵益知交際
之親卻行以及前人自憐末路長跪而讀尺素如接
勝遊喜愧兼深書言曷既

宰與交代啓

張士仲

伏審 交代知縣朝奉榮被帝俞顯應民寄九霄改
色光浮列宿之躔百里傾心惟動諸侯之國方燕居
而有裕宜吉履以無愆恭惟 某官秀擢關山清儲

建水鵬搏文陣蚤飛玉筍之名鶚立仕途久著金闈
之籍眷令尹承流宣化乃朝廷任賢使能姑試牛刀
暫流驥足先聲入境宿奸望風而去之和氣回春遠
人將負而至矣佇令琴堂之課即聯鼎席之班某夙
昧治功亟叨交契舊規不足語後終鮮去思新政之
端可光前徒嗟來暮曾莫馳于汗簡輒首辱于雲書
形慰藉以良勤願感藏而曷已時丁寒律神護冲襟
幸滋對于休嘉用誕符于頌禱

宰與交代啓

邵公濟

光膺表薦暫屈宰綏善良聞命以傾心豪猾望風而
斂跡况在交承之末尤增慶抃之私恭惟某官明
習藝文深通世務登高能賦有列國大夫之材所去
見思兼兩漢循吏之績未翱翔于雷雲禁有剗割于
雷封百里江山頓生輝彩萬家鷄犬驟覺恬嬉某久
別英游欣依未照後先相繼偶當民社之權終始不
渝誓繼子孫之好

五百家播芳火全文粹
宰與交代啟

東海之洋十年望歎景星之睹十日爭先甚虞製錦
之多傷獨幸伐柯之未遠恭惟交代某官忠純許
國豈弟宜民驥足已起許追恭于十駕豹章甚蔚尚
窺見于一班眷言淮海之邦久屈雲霄之步盍歸帝
所用副師言奔逸絕塵莫繼大賢之獨優游卒歲敢
忘後事之師

宰與交代啟

趙德莊



廣瑞富記
選料名紙

蚤歲論交嘗出英游之後窮途為米復承善政之餘
仰止芳塵居深愧色恭惟某官受才卓爾育德粹
然門第清高親戚自為於師友吏能超越教條不出
于詩書光華久接于星軺惠養姑臨于花縣退之山
水之樂自得于倦遊元亮絃歌之風蓋成于餘事方
最書之列上適賢路之鼎開某當陪名臣亟取虛位
其猥持弱植護請下風千里興思久隔關河之夢五
雲灑翰忽生懷袖之光惟時遭逢又過疇昔將取典

刑之自不徒文字之間聊行而及前人可笑不量之
力策足而登要路寔同所去之思
聲跡相聞未嘗半面朝夕願見寔勞寸心茲何際會
之多遂有交承之契恭惟
風藹鄉譽于旦評蜚政聲于仕路君固自謂州縣之
職為徒勞人予亦有言富貴之途皆由此始以報三
年之政豈容百里之留某辱在宗盟獲同鄉曲何幸

牽絲之始輒為佩印之交願行李之敢遲恐及瓜而
願代日未見止尚期傾蓋以相忘晚而視之猶喜伐
柯之不遠

尉與交代啓
惟其官江左傳芳武夷孕秀設經奪
用展寸誠恭惟
席懷牙籤三萬卷子胸中發策決科奏錦瑟五十絃

于筆下優被楓宸之妙選早騰桂籍之英聲學術益
本于家傳政事素明于吏治未展經綸之畧來司警
捕之權惟宏才不憚于徒勞故同列共欣于得助務
貪威服望風預懾于威名父老懽呼指日願觀于得
德化雖曰南昌之仙吏寧淹西掖之詞臣倚聽詔除
入濟禁近某荆溪冷族壁水矐儒慚蹭蹬之餘生謹
叨塵于寸祿三載坐縻于歲月一毫無補于事功豈
期爵位之先遂有子孫之契第覆轍有勞于鑒戒而

解絃應費于更張行新號令之儀畫草懦庸之獎賦
舟搖風飄之句覺興盡而欲還歌星言夙駕之詩唯
疾驅之是禱冬律云孟脂車戒嚴願調茵鼎之宜式
副冕旒之眷

上沈丞相啟
望平津閣素無輪囷盤蟠木之容伏光範門但有奔
軼絕塵之歎惟是廣厦千萬間之庇有如懸水千萬
三十仞之流靡不色荒自然蒙潤伏念某斗筲器小

鼯鼠技窮病鴈欲死而瓦礫爭先瘦馬不收而鴻雁
為伴會介圭之入覲正鼎席以登庸興哀些逐客之
魂矜愚泣窮囚之罪俾出九幽之壤復延兩曜之光
收拭垢汙滅除癥疾寓書殿邃嚴之直賦真庭廩稍
之優理合罷休息容再造自憐耄矣無復蒼蠅附驥
之心猶有待焉尚懷老牛舐犢之愛恭惟 僕射相
公仁均而一視善貸而曲成物有萬殊合併而為大
雖四海盡沐龐鴻之澤而一夫獨被特達之恩詎敢

起無厭之求更欲萌非冀之望所恃幼幼及人之義
每敦親親愛物之慈九仞為山尚當進簣百川赴海
猶待盈科仰惟不倦之仁俾獲有終之福予取予求
而不厭固難逃屢瀆之誅自棄自暴而弗言又恐貽
後時之時

張丞相啟

滕子昭

繫塲井而望蓬瀛宴隔滄浪之水乘浮槎而犯牛斗
幸瞻上相之勤慰三十年仰止之勤忘數千里蕭然

之役既遂趨鳧之願敢修執雉之誠恭惟 其官名
塞兩儀功存九廟德業聖神之佐學業帝王之師自
委質而策名每愛君而憂國當先朝之極治知黠虜
之可虞時屬多艱天降大任起應雲龍之會親依日
月之光袞衣繡裳備三公之典策碧油紅旆瞻上相
之風稜慶在一人重增九鼎恭惟 其官道兼文武
身任安危回日御之舟中幹斗樞而獨運已斷蚩尤
之肩臂請梟袁尚之頭顱思定中原誓平北寇奮身

犯難櫛風沐雨者五年決勝運籌折獄執事者萬
計張尚父鷹揚之氣挫敵人虎噬之心若堂上之兵
不嬰其鋒則閔中之利已非我有願猛虎在山之若
此乃飛鴻遵渚之謂何爰命台公尚期疆理于南海
降予伊尹又約左右于商王其夙倚門墻晚蒙陶冶
假以兩路督軍之檄脫其一家垂死之驅豈期流落
之餘生復聽遙歸之新詠屬以深居岩壑自遠光塵
馮煖之出無車原憲之貧見財蹇驢肯借尚之于東

家稚子侯歸更迷于前路用莫趨于台席結轉激于
蓬心遐睇海鶴之姿共覩風雲之會衛武公入相曾
無綠竹之篇仲山甫永懷但誦清風之句
上曾丞相啟
隨食四方倦遊不遂定交當世窮困來歸仰幸寬容
不緣介紹蓋聞富貴求交于貧賤大其聲而久傳布
衣自托于王公倚其名而引重惟茲不朽之寄甚矣
相頹之難苟非其人無益于事禮樂後進蓋將先擇

而後求民名寔未知寧有無故而遽至深惟前代之
進取皆欲致身而有為時乎已往而不來仕者難得
而易失無君則弔為士者必載質而出疆負鼎之言
雖聖人亦役身而涉世往者不作今誰與歸後生任
道而邀輕先進挾貴而驕傲方枘負鑿居然形器之
乖鼓瑟求琴安得聲氣之類自非得時行道而有意
輔以志士仁人之用心庶幾有成遇合相信某雖不
肖預在下風哀今俗吏之能失其邁往之氣以為賢

相當國自度能聽大度之言切慕昔人褐衣一而
設當世之事材疎意廣則固以無當交淺言深則安
能自明以夜光投人猶拔劍而相視况鼠腊為璞不
慢罵而幾希敢圖特達之知獨越拘孿之議既已得
于人物又復信其語言昔嘗歎嗟今乃過望恭惟
某官弼亮三世儀刑四方功存社稷而不言德被海
宇而不畏文致禮樂務收英髦寧捐末禮之至輕欲
求得士于所重孟嘉小異嘆獨識于座中醜茂一言

遽携手于堂上昔者豪俊知己無所歸德將以致主
而顯名忠臣薦士而不言功以為報國之公舉安取
利合能為久要眷此散材未為棄物生與噲等為伍
或辱衆人之先願為諸君舉旗使知國士之報

上魏丞相啓

開賢人之閣榮有覲于登龍掃相國之門願庶幾于
登觀鳳雖有不同之貴賤豈無可托之黃綠輒控愚
衷仰于明聽恭惟恭惟某官清朝重器問世真儒

生平無不讀之書曾次皆可傳之學才任棟梁而見
于已試量涵河海而無所弗容有聲邁弱翁之賢善
諫得鄭公之直去天尺五嘗依龍衮之光為石二千
暫假魚符之寵民安田里吏服教條翕然興袴襦之
謠富矣藹倉箱之詠政報九重之上恩行千里之間
歸調金鼎之鹽梅復侍玉皇之香案竊念某乾坤棄
物萍梗流轉蹤智謀不逮于中人聞見未逢于達士
備歷壘盜之困徒勞歲月之長姑藏霧豹之文章空

羨雲龍之頭角半生帝學獨後衆人八舉禮闈每慚
千佛既感劉蕡之未第俱憐李廣之不侯淚濕牛衣
愁生髀肉惟大賢廓陽春均被之澤俾小已獲死灰
復燃之歡品題一言聲價三倍與其進也真或起哀
王孫之心何日忘之竊尚期圖國士之報
上丞相啟

伏以霄極三階仰止熒煌之座堪與萬彙熙然塊北
之鈞雖宗臣邈異于等威而元化不殊于品物况夙

叨于盼望悵望于違離敢忘犯分之誅輒奏典籤之
問伏念某哀宗墜緒荒學敏生天獨與之迂愚人皆
笑其踈濶賢閔肆業誰憐窳越之勤俊級登名敢謂
賈生之少一登官路數困窮途雖升斗之祿已久既
及親而簿領之書不堪作吏承流下邑寧供三徑之
資佐刺邊城更冒五溪之瘴官期可滿家難相仍苦
餘生未御商琴之奏侵尋晚境更與莊在之悲志氣
摧殘髣毛哀颯朝宗萬里途迷楚塞之雲矯首一方

身遠長安之日進不能殫冠而結綬退無以耕墾而
灌園奉歲時之烝嘗不供祀事遣兒女之婚嫁未畢
世緣自非回造物之仁誰復軫納溝之念恭惟 某
官鍾英間世稟粹元精道足以範圍覆載而必本于
中智足以酬酌事機而必本于失其正守首建和戎
之策茂昭活國之功湯自得師眷求而有一德說惟
肖象爰立而摠百官一新寰宇之風盡復祖宗之舊
壞植散羣以開衆正之路興滯補弊以立太平之基

祇京屢致于豐年珠璧仰澄于圓象元勳貫古將進
三代以並隆雅度色荒豈忍一夫之不獲願留衡聽
垂采瞽言起膚寸于筆端力救焦原之旱慶宮商于
物表重回寒谷之春使不以困窮而累心尚庶幾
勉以從政自媒之醜迫情意而使然欲報之誠沒元
身而後已

上右相啟

丹衷激切夙懷知遇之憂黃閣深嚴莫遂趨承之便

彌劇風遡風之慕敢稽修敬之誠恭惟某官星斗

垂文乾坤廓量負五百年名世之傑展九萬里南溟
之程經綸四海而無所不長酬酢于變而未嘗或展
大節凜凜而可畏宏猷綽綽而有餘懷堯舜之道而
致君恥威文之事而在已朝廷由之為輕重天下係
之為安危自登槐席之尊益注楓宸之眷謀王體而
斷國論熙帝載而代天工坐隆兵寢刑措之勳益致
俗阜民安之效羣才登用庶政修明一陶晏粲之期

永輔盈成之業明良際遇載虞虞氏之歌聖賢相逢
願繼王褒之頌切念某材猶樗櫟景逼桑榆一官奔
走于塵勞七任沉迷于簿領退有啼號之迫進無左
右之容栖歎已之未逢落落與世而難合高山流
山覺少知音白雪陽春終乖寡和幸遇大鈞之播物
况開東閣以招賢既久託于帡幪當不忘于操履心
同涸轍願歸滄海之波迹類寒荻覩沐陽春之澤

上呂丞相啓

伏奉制命授尚書左丞者歸侍宸庭終更月律遽膺
圖任寔匪皇寧伏念某頃在先朝獲辭大材雖外遷
而寢久寔內揣以為優會丁訪道之辰首被執經之
召方覃研于舊學期啟迪于上心涓露之誠夙宵於
是不圖哀拙復玷罷靈矧惟喉舌之司參幹股肱之
重審難虛受已貢忱辭伏望 某官亮乃至誠恕其
不逮間因清問特賜片言收成命于已行需傑才于
僉舉俾安愚分寔荷洪私

切叨化育幸居鑑治之間敢冒罪誅輒布腹心之懇
唯其愚昧願私矜哀伏念其本無技能猥經除用碩
蚤歲功名之志遭頻年困蹟之餘憂患所乘銷磨頓
盡量材揣分固將老焉置散投閑乃其可者然而意
不克于自定身未遂于歸休為飢所驅其畫無望一
官遠涉千里暑行期月在途闔門抱疾而某血氣易
動神形早衰既不善于輔持遂幾至于委頓甫懷印

綬祇見吏民政未及施病不自力難復弱翁之善狀
上覲深知素非長孺之威名烏能以治伏思孱陋必
致咎愆今不蚤圖後難苟免况以賦性雖鄙于事必
親方當至郡之云初豈容閉閣而不出縱佐史之足
任與曹掾之見哀就使蒙成詎能免媿至於糠豆不
贍妻子可憐凡忍飢者四年固妄意于一飽使其尚
足勉強猶當為遷延重以風土之不使誠憂畜疹
之未已恐其寢劇莫克自還伏惟太師僕射相公

心存至仁惠周庶物察疲瘥之可憫至危迫以自陳
俾幸託于守符仍許叨于祠祿當奉香火少安邱園
庶專精神以近醫藥此恩果遂雖死莫忘苟未填溝
壑之中敢不盡犬馬之報
上湯丞相啓
伏以好生者天地之德遂萬物各得其宜造物者主
相之權恥一夫不獲其所非有包海內之量安能以
天下為心歷觀古初好是正直身自三代而上莫尚

兩公之賢姬旦躬握髮之勤伊尹任內溝之重彼其
汲汲于接下是豈區區于近名蓋大臣之事君思得
人而為國自時厥後曠世無聞意斯道之不傳幸吾
身之親見恭惟某官真儒無敵大德有容才冠一
時而靡恃其全道濟羣生而密藏諸用蚤以帝王之
術自結聖神之知始來京師携束書角羣雄而奪之
氣不出國門致上宰持衆美而効之君推所學而力
行有嘉猷而入告惟以明佐聖而言不他惑故運籌

決勝而謀皆上同內修政事以正朝廷外和戎狄以
寧華夏濟民浴春臺之樂措國勢泰山之安已永戩
于干戈初不動于聲色取孟軻二三之策賢崔浩十
萬之師本規模素定于胸中斯設笑可運于掌上功
成不伐位隆一謙時來則為之士但識袞衣之貴年
不可及也公獨全綵服之榮迹其所以致主而事親
一皆出于好賢而樂善謂于人何所不容者君子之
道而好賢則賜之福者皇極之言矧方登明而選公

孰不願忠而望賜苟以是心而斯受豈曰無因而至
前中養不中而才養不才每俱收而並蓄小以成小
而大以成大率待用以無遺顧雖踈賤之蹤亦有効
陶鎔之望伏念某性質固陋人品卑凡偶家世襲文
史之傳而父兄以詞科而進幼嘗勉強于學徒能決
起于飛自貽控地之羞遂絕厲天之夢既叨漫仕浸
忘故行位親不足以動衆人之知事業不足以徵上
官之譽三年効職甘心從事之勞百里承流盡瘁催

科之役當循名而責實宜置散以投閑僅逃譴斥于
沸湯之中俾預奔走于油幕之下雖四方餬口義難
擇地而安然三月聚糧勢若登天之阻蓋五千里山
川之險携數百指老幼而行進則有道苦遠之憂退
則有食不足之患危衷欲折跬步莫前如墜九仞之
淵仰望千尋之綆幸大鈞之播物以至仁而存心倘
不投誠是殆自棄口將言而足將進三及門而懦然
力可為而器可施一垂手之勞耳伏望賜以曲成之

惠寬其不韙之誅使未殄于餘生誓力圖于報効飢
者易食而渴者易飲敢萌饜足之心制之存法而行
之存人其惟造化之命

上參政啟

闢黃扉而照萬類雖後陶甄披筆袞而被羣材敢希
題品具輸悃款登徹崇嚴竊以國家端出治之源宰
輔受舉能之責入則垂紳正笏日謂帝以進賢出則
濡牘剡章歲限負而薦士維中外之同體共推揚之

一心凡借齒牙立生羽翼曾謂駕駘之賤安經臯樂
之前如某者材勸命奇地寒族替弓冶淪箕裘之緒
鼎儀墜闕閱之傳顛躓窮途侵尋半世原念登門之
始亟蒙下榻之知時際東鈞哀深陟岵適在幽隱之
地莫逢造化之功墻角殘蔬自絕阿衡之鼎海隅斷
梗空瞻傳說之舟繼請字民庶諧將母逮俯成期之
及會新遴選之嚴掃軌里居已更六載易階京秩尚
闕四章在行道以猶憐矧趨風之有舊恭惟某官

與邦碩輔命世真儒嗣洪烈于臯夔統正傳于洙泗
建牙藩翰暫均剖竹之勞推轂英豪罔替拔茅之志
倘矜瑣陋當辱記憐賜之顧盼之隆假以扶搖之使
其謹當錢膺載德銘几知恩是日崇墉獲廁登龍之
列異時大治願為附鳳之階

新上執政啓

陳正之

國任真儒進登元宰華夷鼓舞廟社增榮伏惟慶慰
竊以聖主得賢臣會寔難于千載仁人在高位福乃

繫于蒸民放于竹帛之傳曠若參辰之濶有若孟子
不過聞而知之至于太公則其齒已墜矣此堯舜之
際所以擅其全美而稷契之譽乃或幾于過情欽惟
甚盛之熙朝誕啓至明之真主道先天而獨得神妙
物以難名六籍區區坐起于陳迹羣臣碌碌莫望于
清光天欲興于太平帝必養于良弼使其粹鍾英氣
掘起壯齡負王佐之奇才協人心之公望處獨立之
勢而不懼任至難之責而不辭曾無曠月累日之暫

勞盡得繼志述事之本期于康濟氣已蓋于功名發
于文章未嘗有世俗間語望其容貌則知為神仙中
人以六月息搏于鵬海之中用十年飛到此鳳池之
上惟元聖之在御若大明之正中尤思壞植以散羣
務使尊君而親上步趨若一夫子進所以進顏淵心
德所同成湯于是舉伊尹上熙帝載俯酌民言鳴琴
不調財果阜于四海和羹殊美味皆可于衆人遂令
宣和之民復覩元豐之治方且大恢鑪冶高揭網羅

顧羣俊以康朝厲度明而承辟握瑜瑾懷既成出于
殼中直縛蒙繆尚有求于門下伏念其人材甚陋學
術本疎陪多士以決科叨居第甲課宏詞而就列誤
在選中吹已濫而可羞技果窮而招辱虞庠襍被棄
置江湖衛幕從軍流離關塞去國殆踰于一紀還朝
已度于半生頃繇蘭省之華復贊日畿之重髮蕭
而欲雪目昏其已花敢忘茁壯于牛羊浸重沈迷
于簿領司空城旦昔嘗笑于古人廣文先生今遂成

于俗吏靜惟潦倒私念平生歎鍾儀之幽囚不忘楚
奏顧薦頗之衰老尤憶趙人果桑榆之可收豈邯鄲
之可遂失雖執事所求于客必不責以雞鳴然小人
欲報之心尚或堪于鉛割切懷悃愾輕用冒陳凡百
所陳一二莫既
由錄或上執政啓亦請樂以好之吳孝叔

疎無知而遊世動則多違犯不韙以望人因而寡與
蓋勢疎者情隔能薄者力微信未感于言前志欲行

乎券外徑庭直往猶如寸梗之撞鍾咕囁自營僅若
飛蚊之過耳知難而退乃分之宜其或心與願違勢
由私迫須臾之渴未能穿九仞之泉跬步所休何暇
種十年之木謂不才而無取宜廢于人見有力者必
鳴或閔諸命伏念某早從鄉校入踐書林學未達先
王之言名不掛通人之論耗精神于蹇淺困年力之
頽侵是非不謬于自知利害相摩于多故同堂并冠
椽娶並舉者十人舊里田園黍稷不供者數歲加以

伯兄長謝先壠未歸累然諸姑殆絕生意獨有少弟
僻在海隅將兀兀以窮年嘗耿耿而不寐嚴助懷故
土之樂罷直承明陶潛求三徑之資願為彭澤而况
手足寡恙難之助閨門多凍餒之憂期一假于外官
願何辭于俗吏有政事之責可以赴功蒙廩祿之優
足以收族恭惟某官大猷經世一德亮天利萬物
以無私取一夫之失所退惟頑陋夙被地鎔冒歲月
以淹回之毫銖之稱報因人並奏既同南郭之吹竽

以病得調獨幸支離之受粟言斯甚通理或可矜竊
以蕪者之無求樂聞君子之虛受預屠門之割大嚼
何為寄鷓鴣之棲一枝良足
甄陶息重夙頃岩石之瞻霄壤分殊仰極景星之觀
迷簿領以維日掃門闌而不時恭想治定于藩

宣至和于六氣來嘉祉于百神伏惟某官受
天梓靈為國瑞寶才周文武之用道曠聖賢之歸包

七澤于胸中莫涯其量回萬牛于筆下大放厥辭蚤
躅俊躔出陪熙旦會精神于玉屋致富貴于黑頭潤
色名高妙極北門之能事贊襄功大坐提左轄之宏
綱嚴徐无晚見之嗟稷契有忠言之効逮兵塵之頃
洞方吾道之凋零承平之人物幾何者舊之風流安
在惟公挺立閱世再新邦有守門龜信大疑之無患
人瞻喬木喜故國之不良願民望之焉依宜主知之
彌厚內聯秘殿懋增鼎鉉之華外撫方維屢擁節符

之重乃眷越都之舊壤寔翳閩侯之要區是勤老成
往摠條教蓋廣二公南北之化以光兩漢循良之風
雖自葉流根式資九里之潤然代天理物終佇三階
之平其學至濶疎緒尤早淺心不長而辰速步欲進
而途窮一滯江城兩更歲籥窈同斯立聊自適于吟
哦政恐督郵不姑容于拜起載循庸陋昔玷薦揚品
題雖出于私恩榮幸卒消于薄福孔鸞既舉而燕雀
莫附滄海益深而潢汙靡盈惟憐匡鼎之無階空嘆

馬融之不調深惟附麗之素獨覲始終之恩躋履云
微忍觀中道之棄遺簪何愛或存舊物之心倘桑榆
尚得以收功則草木未甘于俱腐倘嘉序煥咻雄堂
宴清願保福于襟靈用慰思于遐邇

聖宋名賢五百家播芳大全文粹卷八十五終

聖宋名賢五百家播芳大全文粹卷八十五終

聖宋名賢五百家播芳大全文粹卷八十六

上啟

孫明復

孫明復

房推如晦遂同天策之登瀛婁苻懷英終籍虞淵之

取日慶希濶千齡之遇借吹噓一字之褒刮垢磨光

研發豐城之劍澡身浴德雲從陶澤之梭無煩負禹

之彈冠已荷孔融之薦鸚故蕭夫子獎能太重而荀

令君進德不休謂天下未嘗無賢苟有用我者倘君

五百家播芳大全文粹

子不得進仕吾何以觀之要如崔相之擬官無若長
平之奉法律任有報恩之薦而賢無在野之遺恭惟
其官通德家聲廣文才譽題衡忠義差肩從謹之
英猷推轂賢才繼踵當時之盛烈德聳瑤林之秀量
澄玉海之清邁曠遠之高標蘊森巖之直氣才兼文
武端如萬里之長城身佩安危遂寢四郊之多壘既
濟民于仁壽遂卧鼓于邊庭履正奉公廓變西南之
俗輕徭薄賦惠康參井之墟洗塵虐政之煩苛成大

功之旦暮佇膺芝檢迅陟槐庭如山如河屏翰聖人
之德作舟作礪甄陶天下之民伏念某卷腐儒青氈
衰緒棄縵憤悱朝昏太學之藜益映雪飄零厭飲古
人之糟粕嶷嵒歷落之可笑險阻艱難之倍嘗轉喉
多觸諱之聲炙手無可熱之勢幸託雲天之庇敢辭
關柝之早恪修春蚓之書仰瀆右貂之重淮南雞犬
傾心五色之丹冀北駑駘妄意千金之市

上安撫丞相啟
林豈塵

十室之邑可為之宰徒愧未能數仞之墻不得其門
願希與進矧素被陶鎔之賜茲復依節制之尊頂踵
知歸腹心敢布窈窕惟莆陽衣冠之藪乃吾宰相錦綉
之鄉介古今二泉之間為東南八郡之最鼎分三縣
桑梓必致其恭琴鳴一堂桃李孰為之主睠游泮之
下邑本興國之故城地僻而俗自安民淳而俗易曉
賦輸可辨牒訟甚稀黃紬而聽放衙前輩之留題尚
在青衫而怕奔走後人之游宦未知某仕為乎貧窮

付之命喜有季路負米之養追悔毛生捧檄之懷以
粟邑易治于卑陽願為之小而彭澤幸隣于粟里尤
便其私自恩家特為道地蓋茲伏遇某官名滿
宇宙德格天淵以儒者之道為最高于天下之事不
足辨中伯之宅南國因是謝人以作庸安石之居東
山當為蒼生而復起百官之富常係于進退一介之
賤何憚于驅馳某敢不敬服常箴班揚明令雖于薄
領未益未能免俗豈以人民社稷何必讀書匪鞅掌

以告勞將綢繆而結課即墨無左右之譽即烏敢望
齊國萬家之封武城有聞弦歌之聲安得有夫子前
言之戲趙寶文
四岳崇高念瞻巖而遂一官冗散望賜履以來歸名
奔走于輶車寔造參于幕府載循末路足厭平生恭
惟其官道應泰亨體邑坤厚問萬事而必理國有
元龜貫四時而不凋人知喬木會精神于同德持富

貴于遵尊聽履上星辰內聳漢庭之議望風解印綬
外揚真節之威方聖治之計安宜公歸之圖任豈繫
霖雨猶間甘棠化秀民于諸生雖有資于常袞舉明
主于三代終無易于王陽倚聽絲綸即登廊廟其少
疎翰墨長因塵埃想前輩之風流自憐俗狀誦名臣
之勲業殆若神人茲懲傷錦之羞安作畫墁之計敢
期際遇獲在按臨人有一天倍覺悵懔之厚河潤九
里坐期枯槁之蘓次紀且窮教條方暇願導知于六

氣以來社於百神

上安撫內翰端明啟

趙承之

振雷奮地蟻在屈以成伸明月麗天蟪處膏而畢見
物因時動人豈願違苟上比之得宜孰退藏而自晦
是以三千周士慕赤鷁以鳧趨五尺鄒童瞻象環而
蟻附况乃時逢旦暮迹倚門墻一瓢之樂易甘依歸
是幸百世之師難遇親矣為榮切承款款之愚仰丐
循々之誘願賜觀而隱几辱與進以趨隅卑疵而前

隕越於下恭惟判官安撫端明侍讀炳靈江漢蘊

氣風雲傳孟子之大醇亞仲尼之將聖鴻文參于造

化高誼薄于穹昊鳳凰景星世人爭覩太山北斗學

者具瞻董相有王佐之才賈傳通國體之論契半千

之昌運飛第一之英諸公特愧於登先當宁深嗟于

見晚蘭薰雪白更險阻以備嘗玉振金聲歷燥寒而

不變天昭乃聖時佑斯文首延魁壘之儒密掌凝嚴

之任階翻紅藥鳳游西掖之池花對紫薇蓮引北門

之燭視昭回而潤草代深厚以敷言帝制坦明約六
經之旨趣商盤詰屈同三代之文章俄建屏以班條
旋賜環而掌禮邦咨大典朝講上儀脫簡缺書宗祀
醉心而靡對真篇隱映博士卷舌而未言率斟酌于
蕭規盡發揮于孔思元元本本而殫見推文士于筆
端隱隱砒砒而愈盈柱田巴于稷下經素優于聖域
名益重于朝廷可謂社稷之臣自然公輔之望方且
奮熙帝載欽亮天工遠豐茂世之規高厲無前之蹟

然而嚴助勞侍從之事上俾均休長情有論議之餘
后思歷試遽持將鉞出殿后藩虎分元帥之符玉節
揭中山之節氣增營柳威震關榆旅矢彤弓烜赫行
收之令輕裘緩帶雍容俎豆之風制必勝于兩楹折
遐衝于千里塵清玉帳畫婉婉以維新訟息鈴齊政
優而茲始沛然韜畧本以詩書賢於長城廟算詎
憂于北顧隱若敵國虜情彌謹于南賓化安俟于期
年洽且成于五月鉉錫韓侯之覲遂造樊仲之規歸

洪惟稽古之朝方切隆儒之效虛已以問政事攝袂
而揖王公矧素簡於上心每注安于天下選而舉衆
莫如莘野之賢用以作霖當起傅巖之佐佐大開黃閣
宏庇蒼生遂使膏澤所漸何必成康之俗和羹均和
飲皆為堯舜之民固盛德之優為寔輿情之疎望而
復揭措紳之領袖執翰墨之銓衡務獎鑒于人倫喜
進褒于弟子鑽皮生其毛羽出吻定于雌黃有味其
言一字踰於華衮倍增其價東鄰侔于西山善每見

以若驚光可容而必照竹頭木屑並游斤斧之場馬
勃鼓皮皆入刀圭之錄人爭御李士樂依劉釋躡離
蔬競辭于白屋攀鱗附翼爭麗于青雲賢者引以為
名譽之不容于口荆州之書一紙榮比封君淮南之
字百金富同巨室歌必彈于馮鈇頽盡脫於毛錐頽
微炙輟之設猥奏擊轅之曲伏念某冀雖夙鈍魏瓠
徒矜喙類朱墨以顛愚比仲由而畔嘖無少成之美
取譽于屈竒有困學之頑見嗤于杆格徒以世修良

治家謹青氈握素披黃嘗接先生之論懷鈔提輒屢
陪長者之行輒慕樞衣強為佔畢史三冬而詎足學
九年而未成冠枝木之冠造語言而已妄無巖士之
行長貧賤以堪羞會延世以疏恩遽濫中而入仕彼
其已慚於鵜翼悔分仍愧于童觴思九仞以求泉遂
千駕而追驥剝裨官之說說豈造精微切裘氏之呻
吟僅存糟粕動速據梧之誚居迷刻楮之勞綴爾雅
之蟲魚定非磊落習故臯之賦頌頗類俳優中欲罷

以未能少既作而難悔妄因子墨之客預觀王國之
霸人各負于千能霸敢期于一戰初疑地履莫造于
天冠終狐裘亦容于羔袖俛從吏選猥玷民曹製錦
未工懼貽于官謗採蘭可樂期徇于私意亟投牒以
言歸聊編蒲而自遂善哉流水愧無取聽之音仰止
高山雅有慕賢之志時乘幸會天契初心舊矣海濱
第勤于窈伏楚然聽徑忽慰于逃虛散圖旅瑣之卑
乃遘蒙亨之利雲霓在望螽斯以馳誠弩矢方前

旌搖搖而結含恭展拜塵之敬遽千開府之威伏望
某官樂育均私言提示訓大有容于海納小不距
於蓬撞如是則闕黨鄙夫亦叩端而蒙惠邳圮孺子
雖跪履以何勞思儻賜于設問報敢輕于門下卑情
無任瞻望激切知歸之至
天啟
上漕使啟
劉元受

陽春所至枯卉生輝時雨既施夏畦動色輒生萬一
周避再三恭惟某官學職天人智周事物攬轡起

^登塵清之志賦政得將明之才月朗秋江舊著羊城之
治績雷轟春陸旋騰熊楚之威聲見地上之流錢寔
津中之積穀咸識綉衣之貴即為華袞之褒入侍清
光大摠素蘊厥為僚屬所共依歸某也斥鷃卑棲蠹
魚末學肥頭厚面無奇相之可憑小黠大癡有奇鬼
之未送踉蹌增屋洩忍塵埃知其無可奈何襟期耿
耿斯亦不足畏已歲月駸駸投老一官從社千里青
燈照夜如舊學校之麤監素髮驚春作老諸侯之賓

五百家播芳大全卷之九
客強顏幕府竊庇星臺雖愧楊儀之賢造謀立事而
慕暴公子之美承顏接承未速于簡書獲若縻于廩
祿然以迹若谷寒之難播材如溝斷之易捐誰復吹
噓肯施文采乃冒自媒之恥真垂借盼之私雖投韓
愈之三書未蒙季布之一諾重念機不可失時弗再
來倘近依尺五之天見望望然若將浼則別丐斗升
之水尤憂憂乎其甚難用陳危懇之辭重瀆至公之
聽伏願恕其狂易照乃精誠容蒼蠅附驥之情納黃

鳥止阿之念少回光於隣壁一援手于江濱刻心析
肝或蒙恩于此日絕筋折骨俟圖報于他時

出長夏上漕使啟

熊子復

分漕下邑愧獲補于毫釐受察外臺諒靡逃于蒸鑑
雖木乏先容之助而金忘自躍之羞敢布腹心冀潤
牙頰竊以夜光明月或形按劍之疑流水高山未免
絕絃之嘆蓋干時之寡合亦知己之難逢矧是孤踪
方居兄職雖勉而從事久自違于高明然默以志言

亦孰憐于踈遊伏念其寒鄉賤子晚輩孤生耕道獵
德而僅有初心種學績文而幾無餘力薦偕秋計偶
第春庭自得効于微官亦既書于初考雖塵埃搖楚
備嘗奔走之勞而燈火簡編敢廢平生之業然最處
于寮底故莫追于雋游宣力乘田但省牛羊之茁壯
比身夏屋尤忘風雨之震凌此蓋恭遇 運使郎中
蘊藉醇深規摹闕遠郎闡分職贊鹵簿之上儀使節
提封領漕輸之外計公持鑒裁喜援陸況曾是凡庸

俱蒙收拾泰階十舍固殊近水之樓臺華袞一章庶
獲中流之維楫

林豈塵

林豈塵

解綬而歸去來未能矯俗上書而自為達無所取材
何門可登捷徑安在恭惟 某官道得六學文成一
家自擬迄孔顏孟授受之寔無難其傳由佛與聃莊
楊誕謾之言不干于思功名許以自致丈夫用力于
當世之所為體貌至于有加執事待士之以禮者如

此惟相馬不失之瘦而好龍必致其真故權衡之下
盡出于公雖履履之間亦得其任某為貧而仕涉世
則疎僅若落陽山以尹鼯猱焉能治都昌而化豺虎
游宦非侶豈無羨王喬雙鳧之飛立朝可觀又安得
平原一鶚之薦草木幸憐其臭味桃李猶望其栽培
媿丈人厚遇丈人真試垂靜聽以國士遇當國士報
敢負此生

上清使啟

李寔之

遊公卿之門欲曳裾而難進宰相山水之縣嗟製錦以何
工姓名願借於齒牙書牘敢呈于面目試垂靜聽輒
請自陳古者重牧民之官史氏立循吏之號自司馬
以來郡守獨立之傳由東都而下縣令始為之書有
神算能以摘姦王稚子著漂陽之迹名高年坐而問
政何易于藹益昌之名專筆削者既極其褒稱當主
銅墨者當勤于撫字苟或繆三年之政何以垂萬世
之規某處世命窮涉吏日淺攬猿猱而望早巧提敢

謂其難求朝歌之功致麋鹿以豐庖厨其何以庶幾
都昌之化乃若責事功于掣肘之際又欲全道義于
折肱之間雖通才猶病其難豈綿力可施于用倘非
受君子之教終未免俗吏之歸為地者誰自天而幸
茲蓋伏遇某官養以直而剛大尊所聞而高明排
異端以示吾道之主張立片言以為斯文之警策方
天祿石渠之命夫講論稽合何蘭臺金馬而厭乎道
宿迭居攬轡遂行示澄清于天下給餉不絕若轉壻

乎閔中賜環已趣其治裝推轂未忘于引類某感慚
有畔休因無津敢求轡策之寬庶適弦歌之樂裏章
服而拜揖願盡事上官之儀負弩矢以先駟將請導
中郎之傳

上提刑啟

吳子昭

某聞進不隱賢卓矣名卿之大節伸于知己韙哉下
士之良圖在昔推轂之鄭莊若時掃門之魏勃願登
明選公以有得宜陳列就力以無慙筆下風雲曾染

荆州之一紙胸中金石要彈吏部之三書苟懿躅之
可尋庶懦衷之獲奮恭惟某官才高不器學博有
源膠漆並堅篤行早追于漢史芝蘭特秀英標方聳
于謝庭用之則行發而皆中夙蘊鳳池之遠業聊參
龍閣之近班開闔邦財政亟成于江左簡孚民聽功
載茂于淮西九域均蔭于甘棠庶獄靡寃于叢棘名
動凝旒之十二律闕中典之三千惟臣事君以忠蓋
思報國念后非賢不乂必在得人樂與其僚共由斯

道彰善瘴惡而清儲水鑑去彼取此而明示月評公
叔同升大夫倏我之懷矣藏文不立柳下惠夫何為
哉肆令爛額焦頭紛欲攀鱗附翼伏念某幼知好古
長昧趨時百年東國之衣冠浪叨父任一命南州之
簿領懼辱君恩鸞栖再閱于春風鶚表獨稽于秋日
雖窈祿以無過為幸然致身于有力不能屬弭節于
烟郊偶承顏于星彩莞爾而笑嘗揮已諾之金斐然
成章更効敢鳴之雁孰為求而不得茲誠時然後言

重賴霜呼玉唾輕回玉唾黼黻溝中之斷宮商爨下
之餘偏親是以解憂羣目從而改觀則一心江海永
懷浩浩之深仁而四體成嵩終佩巍巍之盛德

上提刑啓

長榜書名誤玷掌徭之選遠方隨牒第歡懷祿之情
豈不堪拜揖於上官將以受約束於下軌竊以難莫
難乎使之為宰能不能者皆自其人野王之請試長
安薛恭而僅理栗邑盤根然後別其麗朝歌有意於

除姦美榴不可為之壘表甫惟求於治劇雖事之繁
簡或異亦材之大小不同某誤看青袍濫紆墨綬不
能操刀使之製錦未嘗登車何以獲禽僅若洛陽山
以尹翹孫焉可治都昌而化豺虎第綢繆而結課寧
徒奔走以抗塵河陽號一花縣潘安仁豈于微官而
敢陋彭澤為五斗粟陶淵明或以小兒而見羞矧廢
置之際未免隣城而見唾而進退之間或遭官長之
罵誰為之地願出其門茲蓋伏遇 某官氣養之浩

然道識其大者振鴛鸞之翼而騫翔禁路垂虹蜺之
光以熠燿清朝我馬之維駒維騏維駱維駟暫屈咨
詢之問甘棠之勿翦勿伐勿敗勿拜將形聽斷之思
賜環行補于公卿推轂未忘于官屬其敢不班揚明
令敬服常歲惟學道切慕于絃歌而奉法願寬其轡
策獻梅花之賦敢期直指之稱誦木瓜之詩當盡厚
報之意其為欣忭曷既敷陳

上提舉啓

隨牒遠方始結綢繆之認參名下吏敢辭奔走之勞
顧一介之賤何與齒牙然千里之間可無面目敬將
毫楮薄露襟襟惟墨綬之職掌在理人何播紳之士
或圖矯俗彭澤之意在酒而常欲其醉勾漏之求以
丹而非為乎榮感田園賦歸去來竟作柴桑之隱慕
神仙著挹朴子終為羅浮之遊仕不仕皆在乎人今
自今豈同乎古其始辭榷楚聊欲絃歌慨然慕前賢
出處之優游嗟乎為俗吏俯仰之牢落幽情默約將

有得乎荻竹之間搗藻流聲豈無意乎桃李之下且
公事雖為可了然人情恐有不堪府官之貴以至于
免寇督郵之見而羞其束帶則進退于時不苟而行
止非人所為幸有使家特為道地茲蓋伏遇 某官
道方而事寔德博而器宏高騫禁路之羽儀聳作南
宮之眉宇辭漢庭而出帳指閩嶠以張禮皇華之六
轡如濡如絲暫屈周爰之問洪範之八政曰食曰貨
獨持綱舉之權行將見其賜環猶未忘于推轂某敢

不恪遵科教敬服官箴寔深畏于簡書願少寬其轡
策雖未能經術以飾事豈不知法令而為師懼曲阿
之烹不苟求左右日至之譽聞姪延之戒當无失官
長善事之名瞻詠攸深敷宣罔既 某官
上提舉啓
一行作吏未免塵埃之間千里投公可在文字之外
情無以見辭得而云恭惟 某官海內貴珍天下慕
特簡寔粹精章明闕偉以全乎罷汗爛卓卓踔齋滌澄

深以蓄乎文仲山甫補袞之功立何有於闕柳公權
因筆以諫先正其心雖雷電之下欲隱其名然風雲
之際必期所遇方攬轡有慨然澄清之志故皇華歌
周爰咨度之詩既下車而辟孔融用為故事特置榻
以待徐穉必有斯人公門以開仕路可進其官失乎
拙窮若之何富貴苟無相忘貧賤有所不棄春秋贈
以華袞敢求一字之褒塵埃拂其舊冠豈無三日之
待

上提舉啓

滕大老

望數仞之墻已遂掃門之幸進一簣之土敢希平地
之功豈意夤緣之適時切喜扳援之有日輒殫悃幅
仰瀆高明切以君子樂于成人智者惟能乘勢過時
而發雖勤而何益莫為之先雖美而不彰蓋木難不
鳴則殆符无應而月珠暗投則祇以見疑曾機會之
難致差池而莫偶念時哉難得而易失當賢者並蓄
以見收苟于斯無計以自謀將過此何階而可進事

豈不求而自得時所當然而後言伏念某螢雪餘生
簪紳未喬幼襲一經之訓長叨寸祿之延有虧三徑
之餘風長之二松之遺韻棲遲偃仰敢辭州縣之徒
勞振發滯淹必藉王公之借勢望期勃勃而入仕未
免碌碌以因人壁上懸板猶有心于變化溝中斷木
亦或異于青黃倘蒙先達之知不在衆人之後恭惟
某官英賢粹美盛德兼容職舊佐于成均復著蕃
宣之効心常存于禁闥暫淹權亮之司擅吾道之津

梁湛人材之永鑑風采想聞于天下雌黃出自于口
中碩推轂以無遺致采葑而未棄寸長可錄宏量并
包某從後下風承恩有地賢才從事敢希劉氏之書
得百斤金豈若季生之諾自慚季路之率尔敢希夫
子之謂然倘辱負天下之望為之前焉當圖酬國士
之恩不敢後也其為占叙罔既敷宣

京北八上監司啟

李龜齡

逢王者之運五百歲初妄意于功名濫太常之第二

十年終未離于窮凍侵尋老境偃蹇半生已自怪其
哀遲人皆笑其迂濶分歸林野退隱耕樵直緣斗升
尚累出處跣足千里餬口四方鶴被傷以歸人鵲無
依而繞木寂寥誰與躑躅自隣此者伏遇 某官以
仲山甫將明之才佐有虞氏光華之旦發姦樞伏蹈
前世之英規急吏緩民得古人之妙政聰明畢照妍
媿不遺而某猥以庸姿辱在使部非楚國之寶宜為
廢棄之材歛吳人之羹皆出保全之賜

上太守啟

虞友文

城聯接壤未諧拜履之恭山峻斗瞻碩預執鞭之列
敢忘愚陋妄意坂援切以遭逢今古以為難遇合寅
緣之有自一言動聽或交堂上之歡三語見知有辟
府中之掾聞歌舉以為相通舊致于登門皆因所自
而然未有無因而致矧惟桑梓偶生匠石之園未委
溝渠敢冀犧樽之飾伏念某材疎伏拙運蹇數竒兩
薦賢閔偶成蠅子誤點七舉禮部復為蠲之退飛屠

龍豈意于成希畫虎徒慚于類狗強顏奉拜悅首懷
慚仰事俯育而無謀朝營夕計而愈切疾呼望其救
也仰首湖南之大夫以禮羅而致之妾期洛北之處
士倘辱知于先達當自奮于眾人恭惟 某官魯國
真儒漢京循吏教分黌舍嘗駕說于諸儒職贊容臺
多決疑于羣議踐揚滋久聞望日隆上通黼宸之知
式昇股肱之郡誠非外顯寔欲試蕭果不目而報成
遂移封而贈寵解舊章而佩新印精明愈見于旌旄

由上里而守鄰封榮美有踰於錦繡攀轅臥轍方切
去思昔袴今襦又歌來暮佇當流澤於四海豈容斂
惠于一方由刺史入為三公亟觀遠業熙帝載使宅
百揆大慰輿言某慕義飛馳先心踴躍眷言叔父獲
陪硯席之餘曩侍廣文叨預朋游之末爰憑宿契輒
貢菲詞伏望盛德矜愚高情悼屈哀之命也不哀之
命也係通塞于我公由乎人哉不由乎人哉肇造化

于今日

于公曰贊見丞相啓

李獻之

滕國為氓曾受一廛之地孔門請教久依數仞之墻
限居寂寞之濱阻望熒煌之座草茅之賤庸敢登大
人之門桑梓之恭固宜修邑子之禮幸垂一盼以慰
平生切念某繩樞甕牖之家布衣韋帶之士行年四
十而不足畏老將奈何誦詩三百而奚以為愚之太
甚風塵十載萍梗四方窘京師桂玉之資厭太學藜
藿之味田居谷口不能效鄭子之耕家枕水濱未暇

學任公之釣況迷筆硯潦倒場闌曩歲專經曾一叨
于禮選比年應賦嘗兩預于計偕屢陳鄉老之書盡
出先生之教趨神京之丹闕方幸息肩望相府之黃
門再求覲面恭惟某官才不世出道與時行如青
天白日之明人皆共覩拱太山北斗之重世所具瞻
作帝股肱為王喉舌重念江濱之寒士昔叨門下之
諸生遺簪墮履之微想憐故舊枯木朽枝之賤諒借
先容狂斐成言感惶峻命

大谷野賢見樞密啟

周元鶚

執鞭而慕晏子夙懷景仰之誠通家而見李膺未遂
瞻依之願欲布腹心之蘊敢修尺咫之書恭惟 某
官一代宗儒三朝元老尊主庇民之術本自得于詩
書憂國愛士之心獨上觀於日月當二百載中天之
運正乙酉年際會之期精神會聚于一堂樽俎折衝
于萬里凜乎覆被四夷之氣慨然洒掃九廟之心天
之降任是人夫豈苟而已矣道而將廢也命則可卷

而懷之忍阿媿以取容寧逡巡而遽去焉着而發傷
織錦之易成斯文在茲欲毀日而安可浮議不攻而
自破大節欲蔽而愈光身雖落于江湖名益尊于星
斗仰容光之必照終見睨之幸消謝公合起于東山
申伯暫藩于南土五侯九伯已專鈇鉞之征一日萬
幾即正鈞衡之任伏念某材惟劇陋命以數竒師友
漸摩初未能半袁豹之學宦游毀譽固已萃一王尊
之身幸郭外五十畝之可耕况家藏三萬軸之猶在

將以奉親之餘日退然挾策以自娛若夫功名敢懷
僥倖重念折薪之業懼貽肯獲之羞宗緒已衰誰謂
臧孫之有後門墻在望自欣藉嵇紹之不孤惟盛德
無愧于古人而高誼遠出于流俗惠顧前人之好賜
以撫存庶幾不肖之賤永有依怙秋令既杪霜威尚
嚴願于寢味之間益謹保綏之福

賢見太守啟

林清甫

與我共理惟良二千石請賀上天子之得賢還賢而

見者凡三十人復喜東諸侯之待士漫刺猥于于典
謁短牋曾仍玷于記曹歡慕益崇游揚無已恭惟
判府都運中大先生氣剛以直智遠而明聞高北斗
之一人榮擢東方之千騎蒲城風月猶記平分薄海
溪山盡沾舊識清香凝于燕寢高蠶春坐于齡齋秋
夜南樓興亦不淺蓮花綠水人以為榮新成桃李之
蹊屬在桑梓之國幸少垂明府之鑒試靜驗賤子之
陳嗟其之貧為世所擯出門笑長安之樂去國從太

學之遊十六年朝齏暮鹽獨無嫌于窮鬼五千卷撐
腸拄腹竊有愧于古人已甘白屋之下流豈料青袍
之誤著對策深慚于郗桂牽絲猶待于齊瓜碩生涯
猶待于隸習之中念宿好詎忘于澆倖之後自第隣
于寒暖誰肯望其姓名茲幸承地主之恩遂擬造門
生之列冀黃之政可以比願事大夫之賢周孔之門
何其多敢為刺史之吏

見太守政

林豈塵

千騎而在上頭方且請從東諸侯之後百僚而計下
徒未容許大蕪君子之前願知己之可伸敢探懷而有獻

恭惟判府侍郎道識其大者文出於粹然聲華赫
奕而天壤與俱風度偉明而文物超異登孔門七十
子獨顏氏之學其殆庶幾待漢庭百餘人擢公孫宏
之策以為第一履仕宦之途以行其志據功名之地
而無甚難其在今日館閣庠序事業之發揮是皆平
日藥室研席文字之張文大搃天下之重自任其如

此將盡摠經綸有用之材雖臺中之評人反以為傾
夫誰折剛直敢言之氣蓋其忠鯁田舌在而不畏強
禦彼則姦險膽落而曷肆欺諛君何厭承明侍從之
勞人彌賸詞人岳牧之用棠陰屢從竹使幾分不須
置水一盃而清節自高况有對月兩章而哲情歛見
開閉有令乃修于庭戶之間政事無雙又在乎篇什
之外吳越之風流不減元白荆潭之酬唱未許裴楊
豈晨香暮火暫伴于清閒故皂蓋朱轡復煩於共理

且心之樂不樂而一境之人喜懼刺史以為大丈夫
之榮然身之用不用而四海之係重輕天子則曰真
宰相之器正轄位頻虛于左右宜銖車趨下於東南
其也毫髮無所長公之牙頰不足置諸生頌而不敢
齒頃嘗慕太學何蕃之文教月致之以為才焉敢望
東都溫生之禮屬在桑梓之國獲遊桃李之蹊苟富
貴未必相忘則貧賤在所不棄於洒掃進應對進退
之末此固小子之所當若中和樂職宣布之詩愧無

軼材之可作如某喜躍得所依歸
青未見賢見太守啟
不棄公西歸鄭明舉

旌麾夾道榮膺千里之權蓬單面墻幸受一塵之託
開風已激于頑懦抗禮獲際于光華快平生願見之
心攄方寸盡言之志某才疎技拙運蹇數奇久園壁
水之橋采芹自若累洽桃花之浪點額徒還百步穿
揚變巧成拙三年刻楮似是而非臚傳旅拜於軒墀
選列自分於涇渭本同末異俄興泣于練絲影與形

殊或驚疑於夢枕捫心負愧俛首何言致無儋石之
儲益嘆儒冠之誤哀親侍養絕升斗之祿衆稚啼號
無尺寸之膚而不愛飢膺未能而側翅人孰憐之駭
馬誤筆而形事或偶爾死灰有復燃之理寒谷資
可假之春春惟其官道大氣宏洪德高業鉅種學
積文而名振蘭省橫經論道而師表儒林密勿有謀
進陟樞衡之莫記注入侍升聯禁索之班暫離簪華
之物出任剖符之寄誠非外豎姑欲試蕭暫畀近藩

尤見上心之倚注引臨祕殿又聞天語之丁寧佇觀
五月而報成豈久一方而歛惠君命召矣願停挺駕
之轅我公歸兮立置調羹之鼎其猥居粉社竄庇棠
陰輒伸狂斐之詞少展趨承之贊破釜敵帝自漸棄
物而人遺直鑄蒙膠鏐尚冀大賢之器使
投文贊見太守啓
未吐一言孰知駿茂既聞三語方得阮瞻辨豈其所
好哉辭可不可已也倘聲名之素隱或地位之本微

苟不稍自激昂何以驟蒙識察况以庸庸之質參乎
糾糾之聯宜毋諱於囁嚅用少通於惘惘草蠡跳躑
雖未出於草間螻蛄呼鳴切有求於門下願賜燕閒
之頃粗陳約結之私伏念某積習至疎賦授本狹家
世傳子軒冕兄弟襲于綺紉北阮之緒偶貧獲安蔡
藿大耳之才最幼獨立科名寔僥倖于蓬生頗冀緣
于河潤相輝華萼繆分棠棣之陰並舉簞篋屢磨伯
仲之唱願雖率尔時亦斐然重惟偷懦之資素乏卓

學之譽仕緣昏毒職在橐鞬已取擯于清流敢自夸
于才語縱嘗得句誰置錦囊每欲著書輒憂醬醢切
低徊而自悼因棄置而不為然擊筑屢聞不無技癢
敝帚何用尚復家藏茲緣際會之殊獲齒走趨之賤
拜塵滋久受教寔深夙慕李公既容為御况逢夫子
或許言時用忘固陋之羞輒有芹羹之獻淚如雨出
背若芒生伏惟某官玉振金聲周情孔思負人倫
之藻鑑為學者之宗師雖游夏淵源莫能措擬而羊

何等輩亦許唱酬輒塵靴舄之文上聞高明之聽伏
願哀憐固陋濶畧僭踰愍其平日之無成察其初心
之所向雪車冰柱敢求當世之名木屑竹頭或効異
時之用謹訶所遠俯伏以頌卑情無任慚覩惶懼之
至

學之譽社級亦真職在案統已以慎行清大或員
 子才語誠實得自誼是辨愛每以若其報是辨
 似似而自博肉者且而不為然字就漢國才
 至中何用尚復家義法緣亦合之味教習是也
 辨之因靈險旅盡翻外以而早辭無封神臨對對之
 三和回電車來務煩來當也之否亦風如能遠既吳
 願京新固研斷暑謝假款其平日之無也察其味於

聖宋名賢五百家播芳大全文粹卷八十六終

